



12. maj 2022

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

- 1. Naalackersuisut sunik pilersaaruteqarpat inuusuttut paaqqinninnermik- isumassuinnermillu suleqataanissamut soqutiginnilersinniarlugit?**
- 2. susassaqrifiit akimorlugit ukiuni tallimani misiliutaasumik aallartitsisoqassappat pisortanut aningaasatigut allaffissornikkullu kingunissai suussappat, suliniutigineqarpat inuusuttut peqqinnissaqarfimmi aamma paaqqinninnermi- isumassuinnermilu sulinissaannut suliniartoqassasoq?**

(Inatsisartunut ilaasortaq Anna Wangenheim, Demokraatit)

Tunngavilersuut

Peqqinnissaqarfimmi aammalu paaqqinniffinni isumassuinnermilu sulisussanik amigaateqarpugut. Taanna ajornartorsiut ukiuni tulliuuttuni annertusigaluttuinnartussaassaaq, kisitsit siumut isigisut takutimassuk, inuit paaqqutarineqartussat passunneqartussallu amerlingaluttuinnassasut.

Taamaattumik suliniutinik aallartitsisariaqarpugut, meeqqanut inuusuttunullu ersarissarlugu, peqqinnissaqarfimmi-,paaqqinninnermi aamma isumassuinnermi ilinniagaqaraanni suliffissaqarluartoq. Inuusuttatsinnut ajornannginnerusunngortinniarlugu suliniartariaqarpugut susassaqarfimmut tassunga ilinnialernissaannut siunissami inuunerissaarnerup maanna unammillernartoqareeqisup qulakkeerumallugu. Taamaattumik periarfissat misissortariaqarpagut inuusuttatta peqqinnissamut-paaqqinninnermullu ilinnialernissaannut pilerinartunik periarfissillugit soorlu maanna Danmarkip misileraassutigaa¹.

Susassaqrifiit akimorlugit suleqatigiinnissaq pisariaqarpoq inuusuttatta paaqqinninnermi peqqinnissaqarfimmi sulilersinnissaat iluatsissagutsigu, isumaqarpungami misiliutaasumik pilersaarummik pilersitsinissaq periarfissaasoq, pisariaqarluinnarmat utoqqaat illuini peqqinnissaqarfinnilu sulisussaqaarnikkut unammilligassat qaangerniassagutsigit.

Taamaaliornikkut qularnaarneqarsinnaavoq tigussaasunik suliniuteqarnikkut, inuusuttut susassaqarfimmut sulilersinnissaat, inuiaqatigiinni utoqqaat napparsimasullu pitsaanerpaamik ikiorneqarnissaat qulakkiissallugu pisariaqarmat.

Apeqquteqaatinnut akissutit ullut qulit suliffiusut iluanni akineqarnissaat kissaatigaara.

¹ <https://www.dr.dk/nyheder/regionale/midtvest/unge-indtager-plejehjemmene-16-aarige-goer-hverdagen-lettere-de-aeldre>